

**ՄԵՐ ՀԱՅՐԵՐՈՒՆ ԽՐԱՏՆԵՐԸ**

ԱՍՏՈՒԾ ՀԱՄԱՏԱՑԵԱԼՆԵՐԸ ԿՐ ՓՐԿԵ ԻՐԵՆՑ ՓՈՐՁՈՒԹԻՒՆՆԵՐԷՆ

1.- *Ձեզի մարդկային փորձութենէն զատ ուրիշ բան չէ պատահած, բայց Աստուած հաւատարիմ է, որ ձեզ պիտի չթողու, որ ձեր կարողութենէն աւելի փորձուիք, հապա փորձութեանը հետ ազատութեան միջոց մըն ալ պիտի տայ, որպէսզի կարող ըլլաք համբերել: (Ա. Կորնթացիս 10:13)*

2.- *Ուստի, եղբայրներ, քանի որ Աստուած ա՛յնքան ողորմած եղաւ մեզի հանդէպ կ'աղաչեմ, որ դուք ձեզ Աստուծոյ ընծայէք, որպէս կենդանի զոհ մը իրեն վերապահուած, որովհետեւ ատիկա է Աստուծոյ ուզած հոգեւոր պաշտամունքը: (Հռոմ 12:1)*

3.-*Տէրը զիտէ աստուածապաշտները փրկել իրենց փորձութիւններէն: (Բ. Պետրոսի 2:3)*

*Երանի՛ այն մարդուն որ կը տոկայ փորձութեան, որովհետեւ փորձութենէն յաղթական դուրս եկողը որպէս մրցանակ պիտի ստանայ այն կեանքը, որ Տէրը խոստացաւ տալ զինք սիրողներուն: Բայց փորձութեան մէջ եղող ոեւէ մէկը թող չըսէ, թէ Աստուած է որ զինք կը փորձէ, որովհետեւ Աստուած մասնակից չէ փորձութիւններուն որոնք չարէն կու գան, ո՛չ ալ ինք մարդիկը փորձութեան կ'ենթարկէ: Իւրաքանչիւր մարդ կը փորձուի իր իսկ ցանկութիւններէն տարուելով ու խարուելով:*

*Կարդալ նաեւ՝ Յակոբոս 1:2-18*

**ՅԱՅՏԱՐԱՐՈՒԹԻՒՆ**

**ԵՐԵՔՇԱԲԹԻ ԳԻՇԵՐՈՒԱՆ ՍՈՒՐԲ ՊԱՏԱՐԱԳ**

Կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, Երեքշաբթի, 30 Ապրիլ 2019-էն սկսեալ եւ ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց Եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Սուրբ պատարագի ընթացքին, հոգեւոր խորհրդածութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս:

Այս սուրբ պատարագին նպատակն է առիթ տալ մեր այն հայորդիներուն, որոնք Կիրակիի կողքին, շաբթուան ընթացքին եւս կը փափաքին Հայ Եկեղեցոյ հոգեւոր սնունդը ստանալ: Կը հրաւիրենք մեր ժողովուրդի զաւակները իրենց ամենօրեայ հեւքին մէջ պահ մը կանգ առնելու եւ աղօթքով Աստուծոյ ու իրարու հետ ըլլալու:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

**ՀԱՍՑԷ.**

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 – facebook-ի էջ jerak Ծրագր թերթ



ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ



ՔՈՒ ԽՕՍՔԻ ԽՄ ՈՅԹԵՐՈՒՄ ԵՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԲ. ՏԱՐԻ ԿԻՐԱԿԻ, 7 ՅՈՒԼԻՍ 2019 ԹԻՒ 27

**ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՅՈՒՄՆԵՐ**  
Ես. 1.21-31: Հն. 7.25-8.11:  
**ՅԻՍՈՒՍ ՔՐԻՍՏՈՍԻ ԱՒԵՏԱՐԱՆԸ ԸՍՏ ՄԱՏԹԷՈՍԻ 12.38-45**

Այն աստեղ օրէնքի ուսուցիչներէն եւ փարիսեցիներէն ոմանք ըսին Յիսուսի. «Վարդապետ, կ'ուզենք որ հրաշք մը գործես»:

Յիսուս անոնց պատասխանեց. «Աստուծոյ անհաւատարիմ չար սերունդ. նշան մը կ'ուզէք. բայց Յովնան մարգարէին պատահած հրաշքէն զատ ուրիշ նշան պիտի չտեսնէք: Եւ ինչպէս Յովնան երեք օր ցերեկ ու գիշեր կէտ ձուկին փորին մէջ անցուց, նոյնպէս ալ մարդու Որդին երեք օր ցերեկ ու գիշեր պիտի մնայ երկրի ընդերքին մէջ: Դատաստանի օրը Նիւնուցիները ձեզի դէմ պիտի ելլեն եւ դատապարտեն ձեզ, որովհետեւ անոնք Յովնանի քարոզութեամբ զոջացին իրենց մեղքերուն համար: Եւ ահա, Յովնանէն աւելի մեծ մէկը կայ հոս: Դարձեալ, Դատաստանի օրը հարաւի թագուհին պիտի ելլէ եւ դատապարտէ ձեզ, որովհետեւ ան իր հեռատր երկրէն եկաւ Սողոմոնի իմաստուն ուսուցումները լսելու համար: Եւ ահա, Սողոմոնէն աւելի մեծ մէկը կայ հոս:

«Երբ չար ոգի մը դուրս կ'ելլէ մարդու մը մէջէն, կ'երթայ եւ անջրդի վայրեր կը շրջի՝ հանգիստ տեղ մը գտնելու համար: Եւ երբ չգտնէ, ինքնիքն կ'ըսէ. "Ելլեմ երթամ իմ տունս, ուրկէ ելայ": Ուստի կը վերադառնայ իր նախկին տունը եւ զայն կը գտնէ պարապ, մաքուր եւ յարդուած: Ապա կ'երթայ եւ կը բերէ իրմէ աւելի չար եօթը այլ ոգիներ, որոնց հետ ներս մտնելով՝ կը բնակի հոն, որով այդ մարդուն վերջը իր նախկին վիճակէն շատ աւելի գէշ կ'ըլլայ: Գիտցէք, որ նոյնը պիտի պատահի նաեւ այս չար սերունդին»:

**ՄԱՐԳԱՐԵԱԿԱՆ ԳԻՐՔԵՐ**  
**ՊՕՂՈՍ ԱՆԱՔԵԱԼԻ ՆԱՄԱԿՆԵՐ**  
**ԵՍԱՅԻ ՄԱՐԳԱՐԵԻ ԳԻՐՔԵՆ**  
**1.21-31**

*Ինչպէս պրոնիկ դարձաւ Սիրոնը, հաւատարիմ քաղաքը: Ան, որ օրինապահութեամբ լեցուն էր, ուր ատեն մը արդարներ կը բնակէին, մինչ հիմա մարդասպաններով բնակուած է:*

*Անարժէք է արծաթը, ո՛վ երուսաղէմ, ապօրինի շահուած. վաճառորդներդ ջուր կը խառնեն գինին:*

*Իշխաններդ ինծի դէմ ապստամբած՝ գողերուն գործակից դարձեր են. կաշառք կը սիրեն եւ անիրաւ նուէրներու հետամուտ են. ո՛չ որբերուն իրաւունքը կը պաշտպանեն, ո՛չ ալ այրիներուն դատը կը լսեն:*

*Ուստի այսպէս կ'ըսէ մեր Տիրակալը, Երկնային Զօրքերու Տէրը, Իսրայէլի Հօր Աստուածը. «Վա՛յ ձեզի, Իսրայէլի՛ իշխաններ, որովհետեւ բարկութիւնս պիտի թափեմ ինծի հակառակողներուն վրայ, եւ վրէժխնդրութեամբ պիտի դատեմ ինծի թշնամացողները:*

*Ես ինքս քու մաքրութեանդ պիտի ձեռնարկեմ, եւ ինչպէս հալոցով մետաղը կը գտեն՝ այնպէս ես իմ կրակովս պիտի մաքրեմ քեզ. կորուստի պիտի մատնեմ ապստամբներդ, պիտի բնաջնջեմ բոլոր անօրէններդ, եւ բոլոր ամբարտաւանները պիտի խոնարհեցնեմ...»:*

**ՊՕՂՈՍ ԱՆԱՔԵԱԼԻ ՆԱՄԱԿԸ**  
**ՅՈՒՎՄԱՅԵՑԻՆԵՐՈՒՆ**  
**7.25- -8.11**

Ապա ուրեմն ես ինքս միտքով Աստուծոյ օրէնքին կը ծառայեմ, իսկ մարմնով՝ մեղքի օրէնքին:

Եթէ այդպէս է կը նշանակէ, թէ անոնք, որ Քրիստոս Յիսուսի միացած են՝ դատապարտութեան ենթակայ չեն, քանի մարմնաւորապէս չեն ապրիր, այլ հոգեւորապէս: Որովհետեւ Հոգին օրէնքը զիս Քրիստոս Յիսուսի միացնելով կենդանացուց եւ ազատեց մեղքի եւ մահուան ենթակայութենէ: Արդարեւ, ինչ որ օրէնքը չէր կրնար ընել, մարդկային բնութեան տկար ըլլալուն պատճառով, Աստուած իրագործեց աշխարհ ղրկելով իր Որդին, որ մեղքը յաղթահարելու համար մեր մեղանչական բնութիւնը իր վրայ առաւ եւ իր մարմինին մէջ դատապարտեց մեղքը, որպէսզի մենք, որ հոգեւորապէս կ'ապրինք եւ ո՛չ մարմնաւորապէս, կարենանք լրիւ գործադրել օրէնքին արդար պահանջները: Անոնք, որ միայն իրենց մարմնական պահանջներով կը ղեկավարուին, անոնց մտածելակերպը մարմնական է: Մինչդեռ անոնք, որ հոգին թելադրած ձեւով կ'ապրին, անոնց մտածելակերպը հոգեւոր է:

ՇԱՐՈՒՆԱԿԵԼ ԱԲԵՏԱՐԱՆԵՆ

**ՍՈՒՐԲԵՐ ԵՒ ՏՕՆԵՐ**

**ԳԻՏ ՆՇԵԱՐԱՅ ՍՐՔՈՅ**  
**ՀՕՐՆ ՄԵՐՈՅ ԳՐԻԳՈՐԻ**  
**ԼՈՒՍԱՒՈՐՉԻ**

Ս. Գրիգոր Լուսաւորիչ, լման քարոզի դար մեծ արդիւնաւորութեամբ կառավարել է ամբացնել ետք հայոց եկեղեցին, փոխադրուեցաւ առ Աստուած 326-ին՝ իր առանձնացումի շրջաններէն մէկուն ընթացքին եւ ոչ ոք լուր ունեցաւ իր մահէն: Հովիւներ՝ գտնելով անոր մարմինը, թաղեցին զայն առանց գիտնալու, թէ որո՞ւն մարմինն էր: Տարիներ յետոյ յայտնուեցաւ անոր թաղման տեղը եւ նշխարները ու մեծ հանդէսով փոխադրուեցաւ ու թաղուեցաւ Թորդան աւանը:

Հայաստանեայց եկեղեցին ներկայիս երեք անգամ կը կատարէ Սուրբին յիշատակը.

- 1.- Զարչարանաց եւ Մուտն ի վերապանունով՝ Մեծ Պահոց Զ. Կիրակիի նախընթաց Շաբաթ օրը:
- 2.- Ելն ի Վիրապէն՝ Տօն Կաթողիկէ Ս. Էջմիածնի կանխող Շաբաթ օրը:
- 3.- Գիւտ Նշխարաց՝ գկնի Հոգեգալստեան Դ. Կիրակիի նախորդ Շաբաթ օրը:

Երեք տօներն ալ ունին իրենց նախընթաց շաբաթապահները: Օտար եկեղեցիներ կը տօնեն զայն Սեպտեմբեր 30-ին:

Ըստ Տօնացոյցին այս տարի Գիւտ Նշխարաց տօնը կը գուգադիպի Շաբաթ՝ 6 Յուլիս, 2019-ին:

**ՀՈԳԻ ԿԵՐԱՆՈՐՈԳՈՒԹԻՒՆ**

Ինչպէս մարմինը առանց հոգիի մեռած է (Յկ. 2.26), այնպէս ալ հոգին՝ առանց հաւատի (Եբր. 10.39): Այս իմաստով, հաւատքը կեանքն է հոգիին: Հաւատքը ըսելով կը հասկնամ՝ Աստուծոյ հանդէպ հաւատքը, երբ այս հաւատքը չկայ մարդուն մէջ՝ մարդը մեռած կը նկատուի: Անառակի դրուագին մէջ Յիսուս մեռած կը կոչէ իր հօրմէ հեռացած կրտսեր որդին (Ղկ. 15.24,32): Ադամ հոգեպէս մեռաւ երբ արգիլեալ ծառին պտուղէն ուտելով անհնազանդեցաւ Աստուծոյ (Մն. 2.17): Պօղոս առաքեալ «մեռելութիւն» կ'որակէ առանց Քրիստոսի ապրող մարդուն կեանքը (Եփ. 5.14), մեռած կը կոչէ մեղքի կեանք ապրող մարդուն հոգին (Եփ. 2.4-5): Տուեալ բոլոր օրինակները կը պարզեն, որ մեղքի մէջ ապրող մարդուն հոգին մեռած է եւ ուստի կարիքը ունի վերանորոգութեան (Եփ. 4.23), որպէսզի վերակենդանանայ, իսկ հոգին իր մեռած վիճակէն դուրս կու գայ եւ կը վերանորոգուի երբ Քրիստոսի միջոցաւ հաշտուի Հայր Աստուծոյ հետ (Բ. Կր. 5.18) եւ սրբուի մեղքի մուրէն (Ա. Թս. 5.23): Վերանորոգութիւնը ամենօրեայ գործ է (Բ. Կր. 4.16) եւ ատիկա Սուրբ Հոգին է, որ կը կատարէ (Հո. 7.6):

Նորոգուած հոգին Աստուծոյ նուիրած հոգին է (Ա. Կր 7.34), անոր գոհութիւն մատուցանող (Ա. Կր 14.16), ծառայող (Հո 1.9, 12.11), սաղմոս ըսող (Ա. Կր 14.15) եւ հնազանդող հոգին է (Եբր 12.9):

Դառնանք մեր հոգիներու Տեսուչին (Ա. Պտ 2.25): Յանձնեմք մեր հոգիները իրենց Ստեղծիչին (Ա. Պտ 4.19): Ան կը պահանջէ զանոնք (Յկ 4.5): Ինչ որ Աստուծմէ առինք՝ զայն Աստուծոյ յանձնեմք: